



Primljeno:	25-03-2025		
Org. jed.	Kl. ozn.	Red. broj	Br. priloga
01	04	1350/24	

Broj: 02-04-1275/24-AP-11
Datum: 25.03.2025. godine

Na osnovu člana 126. stav 2. Poslovnika o radu Gradskog vijeća Zavidovići („Službeni glasnik Grada Zavidovići“ broj: 7/22 i 1/23), Gradonačelnica dostavlja

AMANDMAN I
na Prijedlog Odluka o izmjeni i dopuni
Odluke o utvrđivanju naziva ulica, trgova, mostova i drugih građevina

U Prijedlogu Odluka o izmjeni i dopuni Odluke o utvrđivanju naziva ulica, trgova, mostova i drugih građevina, u članu 4., iza stava 2., dodaje se novi stav 3. koji glasi:

„U alineji 6) riječi „Gradski dječji vrtić“, zamjenjuju se riječima: „Dječiji vrtić“.

Dosadašnji stavovi 3., 4., 5. i 6., postaju stavovi 4., 5., 6. i 7. u Prijedlogu odluke.

AMANDMAN II
na Prijedlog Odluka o izmjeni i dopuni
Odluke o utvrđivanju naziva ulica, trgova, mostova i drugih građevina

U Prijedlogu Odluka o izmjeni i dopuni Odluke o utvrđivanju naziva ulica, trgova, mostova i drugih građevina, iza postojećeg 4. dodaje se novi član 5. koji glasi:

„Sastavni dio ove Odluke je Grafički prikaz izmjena i dopuna imena ulica, trgova, mostova i drugih građevina“.

Dosadašnji članovi 5. i 6., postaju članovi 6. i 7. u Prijedlogu odluke.

O B R A Z L O Ž E N J E

Gradonačelnica je 03.02.2025. godine dostavila Gradskom vijeću Zavidovići Prijedlog Odluke o izmjeni i dopuni Odluke o utvrđivanju naziva ulica, trgova, mostova i drugih građevina na razmatranje. U članu 4. Prijedloga Odluka o izmjeni i dopuni Odluke o utvrđivanju naziva ulica, trgova, mostova i drugih građevina, izvršeno je usklađivanje naziva građevina iz člana 5. Odluke o utvrđivanju naziva ulica, trgova, mostova i drugih građevina („Službeni glasnik općine Zavidovići“, broj: 4/08 i 7/09). Prilikom usklađivanja naziva građevina, izostavljeno je usklađivanje naziva građevine „Gradski dječji vrtić“, obzirom da je prošle godine, na 27. sjednici Gradskog vijeća Zavidovići održanoj 27.06.2024. godine, donesena Odluka o osnivanju Javne ustanove „Dječiji vrtić“ Zavidovići (objavljena u „Službenom glasniku Grada Zavidovići“, broj: 6/24), kojom se izmijenjen naziv spomenute javne ustanove, a samim time i građevine, u „Dječiji vrtić“.

U skladu s navedenim, ulažem amandman I kojim se mijenja postojeći Prijedlog odluke u opisanom dijelu.


U članovima 2., 3. i 4. Prijedloga Odluka o izmjeni i dopuni Odluke o utvrđivanju naziva ulica, trgova, mostova i drugih građevina, izvršene su izmjene i dopune naziva ulica, mostova i građevina iz članova 2., 3. i 5. Odluke o utvrđivanju naziva ulica, trgova, mostova i drugih građevina („Službeni glasnik općine Zavidovići“, broj: 4/08 i 7/09). Članom 6. Odluke o utvrđivanju naziva ulica, trgova, mostova i drugih građevina („Službeni glasnik općine Zavidovići“, broj: 4/08 i 7/09), propisano je da „Grafički prikaz imena ulica, trgova, mostova i drugih građevina čini sastavni dio ove odluke“. Obzirom da se predmetnim Prijedlogom odluke, vrše izmjene i dopune naziva ulica, mostova i građevina, potrebno je izraditi i ažuriran Grafički prikaz, te isti učiniti dostupnim široj javnosti. U članu 5. predmetnog Prijedloga odluke, predviđeno je da Komisija za Statut i propise sačini prečišćeni tekst Odluke o utvrđivanju naziva ulica, trgova, mostova i drugih građevina urbanog područja Grada Zavidovići i grafičkog prikaza imena ulica, trgova, mostova i drugih građevina. Kako bi Komisija za Statut i propise mogla izvršiti utvrđeno zaduženje, u smislu sačinjavanja prečišćenog teksta grafičkog prikaza imena ulica, trgova, mostova i drugih građevina, nomotehnički je ispravno da Gradsko vijeće svojom Odlukom prethodno usvoji grafički prilog sa prikazanim izmjenama i dopunama.

U skladu s navedenim, ulažem amandman II kojim se mijenja postojeći Prijedlog odluke u opisanom dijelu.

Dostavljeno:

1. Gradsko vijeće Zavidovići,
2. U spis.

Akt pripremio:


(Nermin Čahtarević)



GRADONAČELNIK

mr.iur. Erna Merdić Smailhodžić